



ԴՐՈՇՆԿ

„ՀԱՅ ՅԵՂԱՓՈՒԱԿ. ԴԱՇՆԱԿՑՈՒԹԵԱՆ“ ՕՐԳԱՆ

Փետրվար, 1892 թ.

«Դրոշակի» 1 եւ 2 համարներում բերված էին թէ Դաշնակցութեան յեղափոխական գործնէութիւնը առաջնորդող գլխաւոր սկզբունքները եւ թէ նորա ընթացիկ կուրսը ընդհանուր նախագիծը:

Այժմ կարելու էնք համարում համառօտապէս հիմնաւորել ընդհանուր ձեւով բերուած սկզբունքները եւ առաջ բերել մեր այն պահանջները, որ ձեռք պիտի բերվին ապստամբական ճանապարհով:

Պատմութիւնը մեզ ուսուցանում է, թէ ամէն մի հասարակական դրութիւն, հետեւանք լինելով նախընթաց պայմանների միեւնոյն ժամանակ պատճառ է այն ապագայի, որը երեւան է դալու վաղը:

Ինչպէս ներկայիս մէջ կարող ենք գտնել անցեալի բոլոր գլխաւոր եւ ապրելու արժանի կողմերը. նոյնպէս կարող ենք ասել, որ ապագայ կազմակերպութեան բոլոր տարրերը կարող են զարգանալ միայն ներկայից: Հետեւաբար այս կամ այն հասարակական հաստատութիւնները իրազանցանելու համար բաւական չէ ունենալ կամք. նոյն իսկ կարողութիւն ձեւելու հասարակական կազմակերպութիւնը այս կամ այն մոգեւից (քնական թէ իդէալական). դորա համար անհրաժեշտ է, իբրեւ հիմք, վերցնել ժամանակին ու տեղին յատուկ այն պայմանները, որոնք համապատասխանելով հասարակական բարօրութեան պահանջներին, նաեւ ընդհանուր կերպով որոշում են մօտիկ ապագան:

Տնտեսական (ինչպէս եւ հասարակական ու պատմական) խնդիրներ շօշափելիս, ասում էինք մենք Դրոշակի առաջին համարում, պէտք է ղեկավարվել երկրի կուլտուրայով եւ նրա ազգային ու պատմական առանձնախառնութիւններով:

Սա որոշ օրէնք է, որը՝ սկսած Կօնստից մի շարք փայլուն ուսումնականների շնորհիւ ընդհանրացաւ բոլոր գիտութիւնների վերաբերմամբ եւ որը յայտնի է էվօլյուցիական օրէնքի անուան տակ: Էվօլյուցիական տեսակէտը զարգանալով-զարգանալով՝ բռնեց նաեւ

փառաւոր տեղ ժամանակակից քաղաքական կուսակցութիւնների ծրագրերում: Դեռ մեր օրերում ամբողջ Գերմանիայի ռամկավարական կուսակցութիւնը իր ամենասիրելի եւ ամենաեռանդուն գործիչ Բէքելի բերանով բաղձատեսակ պէդանտների հասցէին ասեց հետեւեալ խօսքերը. «Մինչդեռ ամբողջ Եւրոպայում մենք չենք կարող ասել, ինչ քաղաքական փոփոխութիւններ կը լինին վաղը, մեզանից պահանջում են մանրամասնօրէն նկարագրել այն ապագայ կազմակերպութիւնը՝ որի միայն կերպարանքը կարող ենք նշմարել այժմ». նոյն միտքը յայտնեց եւ Բրիւսելում համազգային ոամկասօցիալիստական ժողովը:

Ինչպէս յայտնի է, միակ իրական եւ գլխաւոր պահանջը, որը ընդունուած է այդ ժողովում՝ դա Ց-ժամեայ աշխատանքի խնդիրն է: Լինելով գործի եւ ոչ թղթի մարդ, Բէքելը անկարող է հետեւել 30-ական եւ 60-ական թուականների յեղափոխականներին եւ պահանջել այն, ինչ որ միայն իր կուսակցութեան կամքի մէջն է: Կօնդրեսը՝ բաղկացած լինելով զարդացած մարդկանցից՝ իր կուսակցութեան ապրելու եւ զարգանալու համար դիմում է այնպիսի պահանջների, որոնց դրօշակի տակը կարող է միանալ եւրոպական ամբողջ բանւոր դասակարգը եւ որոնք իրագործելի են չէնց այժմ:

Ահա այն պատճառները որոնք վաղւայ կազմակերպութեան տեսակետից ստիպում են մեզ մեր ոյժերը կենտրոնացնել ներկայ հանգամանքների վրայ: Ինչպէս հեռաւոր անցեալին, նոյնպէս եւ իդէալական ապագային, մենք տալիս ենք երկրորդական նշանակութիւն:

Ամէն մի օր Հայաստանի այս կամ այն անկիւնում կատարվում են սպանութիւններ, բռնի կրօնափոխութիւններ եւ ուրիշ հազար ու մի տեսակ բարբարոսութիւններ: Ի հարկէ, այս բոլորի մէջ կառավարութիւնը ունեցել է մեծ դեր, սակայն անկարելի է անուշադիր լինել եւ դեպի միւս պատճառները:

Քիւրդ ազգաբնակութեան մեծ մասը, բաժանուած լինելով ցեղերի՝ դեռ եւս պարագում է խաշնարածութեամբ, վարում է կիսաթափառական կեանք: Նրա ձգտումները, բարոյական սկզբունքները բոլորովին տարբերվում են այն վարք ու բարքից, որոնք առաջ են գալիս եւ պարզանում, երբ մարդս սկսում է պարագել հողագործութեամբ, որոշ տեղում մշտական բնակութիւն է հաստատում, ենթարկվում է հասարակական կեանքի պահանջներին: Բայց եթէ քիւրդը, իբրեւ բարոյականութեան հիմք, ընդունում է ցեղի շահերը, վրէժխնդրութիւնն եւ քաջութիւնը. եթէ նա չի հասկանում անձի սրբութիւնը, արհամարանքով է վերաբերվում դէպի հողագործական ծանր աշխատանքը, դէպի այն բոլորը, ինչ բղխում է աշխատանքի, քրտինքի դադափարից, — խաղաղ մշակ հայն իր կացութեան վէմն ու տաճարը կառուցանում է աշխատանքի վրայ, ղեկավարվում է ազգային շահերով եւ ընդունում է այն բոլոր կապերի ու պարտականութիւնների անհրաժեշտութիւնը, որոնք հետեւանք են աւելի բարդ հասարակական պայմանների:

Այդպիսով սկսվում է մրցումն, պատերազմ երկու տարբեր շրջանների պատկանող ժողովուրդների մէջ: Կասկած չը կայ, որ ապագայում ցեղական սկզբունքը պիտի ոչնչանայ: Ինչպէս որսորդութեան շրջանից մարդս դիմեց խաշնարածութեան՝ նոյնպէս անհրաժեշտ է ներկայումս, որ քիւրդը դառնայ հաստատաբնակ, դիմէ հողագործութեանը: Մինչեւ այս պատմական բարեշրջութիւնը չը կատարվի, խաղաղութիւնը չի հաստատվիլ, չի էլ կարող հաստատվիլ Հայաստանում: Սպանութիւնները եւ աւազակութիւնները թէեւ կը մեղմանան, բայց կը պահեն իրենց քրոնիկական բնաւորութիւնը: Հասկանալի է դառնում, որ քաղաքակրթութեան շահերը պահանջում էին ոյժ տալ հողագործի ձգտումներին, ապահովել նրա կեանքը, կայքը, աշխատանքը եւ խստիւ հետեւիլ օրինազանցներին: Այդպէս վարվելով կառավարութիւնը կատարած կը լինէր իր պարտքը եւ աշխրէթների քայքայման հետ միասին կ'ապահովէր լուսաւորութեան տարածումը: Այո, «մեր կռիւը տաճիկ կառավարութեան դէմ ոչ միայն ազգային կռուի է, այլ եւ եւրոպական քաղաքակրթութեան ու մարդկային իրաւունքների դատ» (Դրօշակ No. 1):

Անցնենք մեր կեանքի միւս գլխաւոր պայմաններին: Հայաստանը նուաճող մահմեդական սուլթանները ու զօրապետները չը հաստատեցին տիրած երկրում ժողովրդի համար փոքր 'ի շատէ ապահով դրութիւն, չ' ստեղծեցին այն ամէնատարրական պայմանները,

որոնք անհրաժեշտ են ժողովրդի բազմանալու, զարգանալու համար: Նուաճած ազգերի ստրկութիւնը պահպանելու համար ամբողջ ուղղափառ տարրը ստացաւ մի զինուորական իշխող դասակարգի տիպար: Դարերի ընթացքում ուղղափառ տաճիկը արհամարանքով էր վերաբերում դէպի դեպվուր հայը, պատիւ ու պարծանք էր համարում ճշել, կողոպտել, անպատուել դեպվուրին: Միաժամանակ մահմեդական սլաշտօնեան ոչ միայն անտարբեր է եղել դէպի քրիստոնեաների շահը, այլ եւ անիրաւաբար միշտ մեղադրել, զրպարտել, բանտարկել, ամէն կերպ ճշել-վնասել է հային: Այդպիսով չը նայելով, որ հաւասարութիւնը յայտարարված էր կեանքի ամենադիւսաւոր սկզբունքներից մէկը, տաճիկ մոլեռանդութիւնը զրկեց հային եւ այս նահապետական առաւելութիւնից:

Իրաւունք չ'ունենալով դէնք եւս կրելու, որ հարկաւոր դէպքում կարողանար դռնէ ինքը իրեն պաշտպանել, հայը ակամայ պիտի ընկնէր այս կամ այն քրդի կամ բէդի հովանաւորութեան տակ, պիտի դնէր իր ապահովութիւնը այս կամ այն վարձատրութեամբ: Այդ կապը թէեւ ստիպողական չ'էր կառավարութեան կողմից, բայց լինելով անհրաժեշտ հետեւանք ժամանակակից պայմանների՝ օժվեցաւ զանազան սովորութիւններով եւ ստացաւ յայտնի դոյն՝ որը իր բացասական կողմերով նմանում է ինչպէս եւրոպական միջնադարեան սիստեմային՝ նոյնպէս եւ հայ նախարարականին, որը իրենք տաճիկները Հայաստանը նուաճելիս, հայ ժողովրդի աջակցութեամբ, ջնջեցին յանուն հաւասարութեան: Այդպիսով այն ճնշման վերայ, որը հետեւանք էր թափառական — խաշնարած կեանքի, աւելցաւ մի ուրիշը. ազգաբնակութեան մի մասի իշխումը միւսի վրայ: Այդ անիրաւութիւնն էլ ոչնչացնելու համար պէտք էր կառավարութիւն, որը սակայն չը կար:

Չը կար, ասում ենք, որովհետեւ Պօլսոյ ամիրաների հիմնած կազմակերպութիւնը ստեղծված էր միայն դրացի ազգերի հետ մրցելու, քրիստոնեաների սարքիւրութիւնը պահպանելու ու հարուստ դասակարգի շահերին ծառայելու համար: Հարկաւ այդ կառավարչական մեքենան չը թեթեւացրեց ժողովրդի որեւէ ցաւը, դարձան չարեց նրա վէրքերին: Ոչ սուլթան Մէջիդի թանդիմաթը, ոչ էլ սահմանադրութիւնը չը շեղեցին ժողովրդի կեանքը ճնշման ճանապարհից: Աշխատող տարրը, ենթարկելով զանազան սահմանափակումներին, մոյցնելով նորա կեանքի մէջ աւելի «կարգ ու կանոն» եւ միաժամանակ կառավարութեան

դեկը, շնորհիւ ցենզի, յանձնելով հարուստ դասակարգին՝ այս «կարգադրութիւնները» աւելի նպաստեցին նախկին չորբաճիկների սերնդին հարստահարել աշխատող ամբողջը: Նախկին եւ նոր դրութեան մէջ պահպանութիւնը նրանում էր, որ հարստահարութիւնը ստացաւ աւելի կանոնաւոր ձեւ: Այսպէս, կառավարութեան եկամուտը ապահովեցնելու համար էֆէնդինները եւ պաշտօնեաները ստեղծել են մի այնպիսի սխտանք, որով հարկերի ծանրութիւնը ընկնում է դիւղացու եւ աղքատ արհեստաւորի վրայ: Թող մէկը միւսից հարուստ լինի տասը, հազար անգամ. փոյթ չէ. դոքա պիտի վճարեն համարեա թէ հաւասար. վաշխառուական դրամադուլար եւ այն բոլոր ձեռնարկութիւնները, որոնք իրենց տէրերին մեծ դուժարներ են տալիս, վրձարում են համեմատաբար չնչին բան: Հարկերի մեծ մասը, լինելով կողմնակի, կենսական մթերքների վրայ, ընկնում է հաւասար ծանրութեամբ աղքատ մշակի ու հարուստ բէգի վրայ: Յիշենք արդեօք դիւղուորական տուրքի մասին, որը վերջին ժամանակներս հասել է ամեն մի քրիստոնեայ տղամարդից՝ 38 դահեկանի: Ասենք արդեօք քրդերի, Պոլսոյ բնակիչների, մօլլաների, քահանաների մասին, որոնք թեթեւցրած լինելով հարկերից, այդպիսով իրենց բեռը ձգում են էլի աշխատաւոր դասակարգի վրայ:

Վերջապէս ժողովուրդը աւելի հաստատ կերպով հարստահարելու համար կառավարութիւնը ստեղծել է տեսակ տեսակ մօծօպօլիաներ (ծխախոտի, աղի, երկաթուղիների, հանքերի) որոնց նպատակն է մշակի գերպանից հանել իր աշխատանքի մի մասը եւ յանձնել եւրոպացի կամ տեղացի դրամատէրներին:

Ժամանակի ընթացքում կառավարութեան յիշեալ հարստահարութիւնների վերայ աւելացաւ եւ մի ուրիշը, ոչ այնքան նկատելի, սակայն նոյնքան զորեղի. դա դանազան վաշխառուների, էֆէնդիների, բէգերի հարստահարութիւնն է: Չը նայելով, որ մահմեդականների տեսակէտից սուրբ հալալ չէ համարվում, չը նայելով, որ հողը պատկանում է մշակողին, որ ամէն մարդ ազատ եւ հաւասար է միւսին՝ հարուստները՝ օգտվելով ամբողջ անտանելի դրութիւնից հազարաւոր դիւղացի դրկեցին մշակած հողից, շինած տրնից, դարձրին նոցա իրենց հլու հպատակ: Հայաստանում կարելի է մասնացոյց անել ամբողջ դիւղեր՝ որոնք այս էֆէնդու կամ այն բէգի սեպհականութիւնն են դառել:

Հասկանալի է, որ այս անտանելի պայմանները այսօր յղացվում են ամենածանր հետեւանքներով: Ժողովրդի աղքատութիւնը օրէց օր սաստկանում է եւ նեղ դրութիւնից դուրս գալու համար,

նա ստիպված է աւելի եւ աւելի մեծացնել դաղթականութիւնը իր հետ կապված թշուառ հետեւանքներով: Հոսանքը այնքան մեծ է, որ Հայաստանում կարելի է գտնել շատ աւաններ, որոնց բնակիչները կիսով չափ կամ ամբողջովին դաղթած են հեռաւոր երկիրներ: Սկսվելով հայերից եւ յոյներից՝ պանդխտութիւնը վերջերս արմատ է ձգել եւ խաղաղ մահմեդական աղքատակութեան մէջ: Թշուառութիւնը հասել է այն աստիճանի, որ ժողովրդի աճումը նկատելի կերպով թուլացել է՝ եթէ դադարած չէ արդէն մի քանի դաւառներում: Այսպէս քանի գնայ՝ այս ընթացքը աւելի ոյժ պիտի ստանայ, որովհետեւ՝ տուրքերը շատացնելով՝ կառավարութիւնը ոչ մի միջոցի չի դիմում երկրի արդիւնաբերութիւնը բարձրացնելու համար:

Հաղորդակցութեան ու հետեւապէս երկրագործական մթերքների արտահանութեան հարցը, որը ունի կենսական նշանակութիւն հողագործ հայ ժողովրդի համար՝ մնացել է բաց, չը նայելով ճանապարհատուրքի ծանրութեանը: Չանազան պատահական շարեքներից (աղար, երաշտ, կարկուտ եւ այլն) ժողովրդի ապահովութեան խնդիրը չը կայ կարծես տաճիկ կառավարութեան համար: Այն «երկրագործական սնդուկը», որը այդպիսի հանգամանքներում պիտի օգնութեան դար ժողովրդին, — պանազան ձեւականութիւնների պատճառով ծառայում է միայն վաշխառուների շահերին, իսկ ժողովուրդը նրա գոյութեան մասին դադարաւոր անգամ չ'ունի: Նոյնն է պարտադիր սուսման օրէնքը. դորա համար վերցրած տուրքը ծախսվում է վիսաւորապէս մի քանի միջնակարգ դըպրոցների վրայ ուր յաճախում են միայն հարուստ քաղաքացի մահմեդականների որդիքը: Չը պիտի մոռանաք եւ այն, որ այս վերջին երկու տուրքերի (սուսմանակ. եւ երկրագ. սնդկի) մեծ մասը ծախսվում է բոլորովին տարբեր հիմնարկութիւնների վրայ:

Վերջապէս հարկաւոր է յիշել եւ մի երկուդ թ կառավարութեան ներքին քաղաքականութեան մէջ, այն է՝ քրիստոնեայ աղքատակութիւնը նուազեցնելու եւ եթէ կարելի է նոյնիսկ ջնջելու վիտակցական ձգտումը: Քրիստոնեաների անշան թիւը համեմատաբար այլադիւնների թուի հետ ի հարկէ կառավարութեան ձեռքում կը լինէր ամենաուժեղ մի միջոց վերանորոգումներ պահանջող ամեն տեսակ ձայների դէմ կուուլու համար:

Այդպիսով այս համառօտ ընդհանուր տեսութիւնից պարզվում է, որ տաճկահայ ժողովրդի դրութիւնը միանգամայն սարսափելի է շատ կողմերից:

Ազատել ժողովրդին այդ անտանելի դրութիւն

նից, ստեղծել այնպիսի պայմաններ, որոնք թոյլ տան նորան մտնել ընդհանուր մարդկութեան զարգացման շաւղի մէջ՝ կարելի է միայն յեղափոխութեամբ, կարելի է միայն միաժամանակեայ փոփոխութիւններով Հայաստանում տիրող բազմատեսակ պայմանների:

Հիմնելով մեր նպատակը եւ պահանջները այդ Մայր - Հայաստանում իշխող դրութեան վերայ, մենք չը պիտի անուշադիր լինենք նոյնպէս դէպի ուրիշ ազգերի օրինակները:

Ամբողջ կուլտուրական աշխարհի պատմութիւնը հազարաւոր տարիների ընթացքում ցոյց է տալիս մեզ՝ որ յանձնել ամբողջ ժողովրդի բաղդը մի դասակարգի՝ որը իր կացութիւնը կարող է հաստատել ծագման, Ֆիզիքական եւ նիւթական ոյժի, կամ թէ չէ նոյն իսկ ուսման վերայ, տալ կառավարութեան ղեկը որեւէ դասակարգի, կը նշանակէ ստեղծել ճշուն մայր դասակարգի, դարձնել ժողովուրդը ծառայող այդ փոքրիկ լիտիկաններին:

մասի եւ միաժամանակ անբարոյականացնել իշխող պո-

րորա հետ զուգընթացաբար հասարակական կեանքի ալիքը թուլացնելով առանձին անհատի դազանական ձգտումները եւ պակասեցնելով նիւթական անհաւասարութեան հետ անխախտ կապված ճշուն մայր տանում մէ մեզ դէպի եղբայրական սկզբունքները, դէպի ընկերական, համայնական հաստատութիւնները:

Արդարութեան ամենազլխաւոր պահանջը թէ ամէն մարդ իր քրտինքովը պիտի աշխատէ կերած հացը. թէ հաւասար աշխատանքի հետ անհատը պիտի ունենայ նոյնպէս հաւասար իրաւունք կեանքից օգտվելու - սարածվում է աւելի՛ եւ աւելի: Դէմօկրատեայի յաղթութիւնը այնպիսի հսկայ քայլերով է առաջ գրնում, որ շատ ժամանակ չ'անցած հասարակութեան ղեկավարող տարրը դանազան առանձնաշնորհումների տեղ լինելու է աշխատանքը իրբեւ ընդհանուրի բարօրութեան միակ միջոց:

Ա) Ահա այս է պատճառը, որ հայ յեղափոխականները, միշտ դէմ լինելով որեւէ առանձնաշնորհումների՝ կը զարգացնեն ու կ'ընդարձակեն դարբերի ընթացքում հայութեան մէջ տեղի ունեցած ու խորը արմատ ձգած ընտրողական սկզբունքը: Ապագայ ազատ Հայաստանում իշխող ուսման վարական սահմանադրութիւնը՝ ծառայելով ընդհանրութեան շահերին, պիտի եւ հաստատված լինի ամէն հասակաւոր բնակչի հաւասար ընտրողական իրաւունքի վերայ առանց որեւէ ցէնզի. իսկ այդ շահերը իրականապէս պաշտպանելու համար, ընտրողական սկզբունքը կառավարչական բովանդակ գործողութիւններից սկսած դէպի առաւել նեղ

զաւառականը ու համայնականը պիտի ստանայ առաւելադոյն լայն ծաւալ:

Այսպիսի սահմանադրութեան վերայ հիմնված կառավարութիւնը անշուշտ կը հաստատէ.

1. Անձի եւ կայքի ապահովութիւն ամենախիստ միջոցներով.
2. Տարբեր ազգութիւններին ու դաւանութիւնների հաւասարութիւնը օրէնքի առաջ.
3. Ազատութիւն խօսքի, մամուլի եւ այլ՝ ուսման վարական երկրներում ընդունված արտօնութիւնների:

Բ) Նոյնքան մեծ, եթէ ոչ աւելի, նշանակութիւն ունի հայութեան վերածնման համար դիւղացու ազատութիւնը ներկայ աղքատ դրութիւնից: Որպէս զի ժողովուրդը ոչ միայն խօսքով, այլ եւ իրականապէս օգտվի իր ձեռք բերած ազատութիւնից, որպէսզի նա մինչեւ անգամ կարողանայ պահպանել իր ազատութիւնը եւ ոչ թէ շուտով կրկին զրկվի դրանից, հէնց առաջին քայլերում ժողովրդի ներկայ թշուառ դրութեանը օգնելու համար մենք անհրաժեշտ ենք համարում.

1. Տալ չ'ունեցողին հող եւ համաձայն դարբերից ի վեր գոյութիւն ունեցող նոյն իսկ տաճկաց սովորական ու դրական օրէնքի իմաստին որոշ կերպով ապահովել մշակողին հողից օգտուելու կարելիութիւնը:
2. Ամէն տեսակ տուրքերի ենթարկվող բոլոր իրերի դնահատումը պիտի կատարվի առանց ցենզի ընտրուած շինական եւ թաղական ժողովներում, որոնք պէտք է առաջնորդուին հայութեան մէջ խորը արմատ ձգած եւ կրոնական յառաջդիմող հարկահանութիւնից չի տարբերվող «կարողութեան» «համայնական» սկզբունքով:
3. Ոչնչացնել զինուորական տուրքը, հաստատելով տեղի եւ ժամանակի պահանջներին համաձայն զինուորագրութիւն:

Գ) Հայաստանը յառաջադիմութեան ճանապարհի վրայ դնելու համար անհրաժեշտ են նաեւ.

1. Ամէն կերպ նպաստել ժողովրդի զարգացմանը ու ուսմանը:
2. Զարգացնել ժողովրդի արդիւնաբերութիւնը մտցնել վերջինիս մէջ նոր ձեւերը, լայնացնել արտահանման միջոցները եւ այլն.
3. Ոյժ տալ դիւղացու համայնական սկզբունքներին, զարգացնելով այն ընկերական հիմնարկութիւնները ու ձեւերը, որոնք ծաղկել են Հայաստանի հողի վերայ, տեղական ու պատմական հանգամանքների ազդեցութեան տակ,

լախացնել այդ հիմնարկութիւնների սահմանը դիւղից, թաղից սկսած մինչեւ դաւառը, մինչեւ ամբողջ տէրութիւնը եւ այսպիսով միանգամայն ապահովել համայնքի ամէն մի անդամին բնութեան եւ ընթացիկ կեանքի պատահական հարուածներէց :

ԼՈՒՐԵՐ ՏԱՀԱՎԱՅԱՍՏԱՆԻՑ

Մ ու շ ի ց . Անցեալ ամառ Մուշի եւ Բաղէշի դաւառից մէջ անասնոց հիւանդութիւն լինելու պատճառով, պանդխտութիւնը արտաքոյ կարգի ծաւալեցաւ ամէն ուրէջ : — Կառավարութիւնը ձերբակալած է Արաբոյին, որ մի քանի տարի է ձեռք անցած չէր՝ հակառակ ՚ի դործ դրուած միջոցներու : Նա կը մեղադրվի աւաղակային խումբ կազմած լինելուն մէջ. քննութիւնը կը շարունակվի :

Բ ա բ ր դ ի ց . Կիվ եւ Այլրճի դիւղերէն տաճիկները 100 ոչխար են դողցեր : Բալախօս դիւղէն մի քանի դոմէշներու կաշիները գիշերուայ ատեն քերթեր եւ տարեր են տաճիկները :

Կ ա ր ի ն ի ց . Եօթ ալաշկերտցի հայեր, որոնց ձերբակալել եւ բերել էին Կարին, մի ամբողջ տարի տանջելէն ետքը՝ դատապարտեցին 5-15 տարի բերդարգելութեան եւ բանտարկութեան :

Տ ր ա պ ի զ ո ն ի ց . Քաղաքում երկու պաշտօնական լրտեսներ կան այժմ. մէկը՝ հայ միւսը՝ հայախօս տաճիկ : Նոքա արձակ համարձակ մտնում են ամեն տեղ եւ յարաբերութեան մէջ են կուսակալի եւ ոստիկանապետի հետ :

Վ ա ն ի ց . Վերջերս հրահանգ եկած է Սուլթանից որ ամէն ջանք դործ դրուի խաղաղութիւն պահպանելու եւ ոչ մի կերպ չ՝ յուզել հայերին : Արդէն կառավարութեան սաստիկ փափազն է՝ խաղաղութիւնը վերականգնել, քաջ դիտնալով որ խաղաղութիւնը հայի համար մեռելութիւն ըսել է. թուրքը սկսած է օրօր կանչել որ հայն նորէն իր վեց հարիւր տարուայ սեւ ջունը մրտնայ, ուսկից քիչ մը աչքերը կը բանայ... — Թափառական քիւրտերը օր ցերեկով օսմանեան զօրանոցէն մարթինի հրացան կ'ստանան եւ շուկայէն դողողութեամբ անցնելով՝ առանց քաշուելու կ'ըսեն. «այս բոլորը Ֆլլահներու (հայերու) համար է :» — **Շ ա տ ա ի ն ա ո** դիւղի վրայ 30-ի չափ զինուած քրդեր կը յարձակին եւ կը զարնեն ոչխարներ : Գիւղացիք կ'սկսեն պաշտպանել եւ ոչխարի տէրերից մինը՝ Շառօն, որ կատարի կը կռուէր, գնդակահար կիյնայ : Քրդեր կը քրջեն 200 չափ ոչխարներ : Հայերն կը ճանչնան իրենց թշտական ասպատակող Մոկացի քիւրդ՝ Աբդալ եւ Սու-

լէյման բէգերուն : Հայեր միւս օր ճանապարհ կիյնան Վան բողոքելու. բայց վալին կը կարգադրէ, որ հայերը երթան եւ իրենց ոչխարները յետ առնեն...

Ա լ ա շ կ ե ր տ ի ց . Քրդերն եւ թուրքերը կառավարութեան ստացած արտօնութիւններէն սիրտ առնելով անասելի անբթութիւններ կ'ընեն : Քրտական անկանոն զօրքեր դիւղէ ՚ի դիւղ շրջելով բարբարոսութիւններ ՚ի դործ կը գնեն, կը յափշտակեն տներուն մէջ եղած չեղածը. զարնելով ու անարգելով կը հեռանան : — Բռնի կրօնափոխութիւններ օրէ օր կը շատնան : Երանոս դիւղէն 15 տարեկան տղայ մը Կարա-Քիլիսէի մէջ Կարնոյ վալիին ներկայութեամբ տաճիւղցուցին : Պիթլիսի Տիրանց դիւղացի մէկ տղայ Արար աղայ քիւրտը տաճիկներով իր քովը կը պահէ : Մի աղջիկ Կարա-Քիլիսէի մէջ դայմադամի դրամամբ բռնի տաճիւղցուցին : — Մէկ պիթլիսցի տարի մը թրքութեան ծառայելէ ետքը իր ընտանիքը եւս կրօնափոխ կ'ընէ : — Մի հայ ընտանիք Մանազկերտէն Ալաշկերտ դառնալու ժամանակ դիւղին մէջ քրտերէ բռնվելով կը թրքացվի. — **Օ .** դիւղից 60 ոչխար տարած են : — Աշղալէ դիւղացի մի երիտասարդ արտէն դառնալուն մի քիւրտ հրացանով կ'սպաննէ զայն : — Քրտական անկանոն զօրքը, 200 անձէ բաղկացեալ, երեկոյեան դէմ կը մտնի **Օ .** դիւղը եւ կանդնելով ոէն Պողոսի դուռը՝ կը պահանջէ՝ որ բոլորն ալ հիւրնկալեն. իսկ դիւղացիք խիստ ընդդիմադրութիւն մը կ'ընեն յորմէ ընդհարում մը կը ծագի եւ դիւղացիք զարնելով կը քեն անկանոն զօրքը : — Քոփզոնայ Այիպ փաշայի որդին Բէսուլ պէյն ամէն դիշեր Մանկասար դիւղին վրայ յարձակումներ կ'ընէ իր գազանային կիրքը յագեցնելու, սակայն ՚ի դուր : Բռնութիւնը վերջապէս եփեցին եւ շատ մարդիկ պատրաստեցին մեր մէջ. շատ անտարբեր մարդիկ փոխուեցան, եկան ուղիղ ճանապարհի վրայ. անառակ որդիքը այսօր հարազատ դառնալով, կը սրբեն իրենց տարաբաղ մօր դառն արտասուքը... — Անցեալները 30 բարդ արմտիք Եէհնիթէփէ եւ Բլուր դիւղերուն մէջ այրեցին. 15 բարդ Չլքանի. 40 բարդ ցորեան Երանոս դիւղի կալին մէջ. եւ Կրպօ անուն մի դիւղացու ձեռքերը կապած ձգեցին կրակի մէջ : Նոյն դիւղացի Յարութիւնին 10 սայլ կտաւատը այրեցին. ո՞ր մէկը ըսեմ : Այսպէս մինչդեռ հայ դիւղացին կը փութայ ճարել իր ձմեռուայ պաշարը, անգութ ձեռքը ցորենի հասկերուն իսկ չի խնայէր : Լուսնկայ դիշերին երկնի եւ աստղերու տակ վառուած հազարաւոր ցորենի բարդեր իրենց բոցավառ կրակին հետ հայ ժողովրդի խեղճուկ ձայնովը արձագանգ կուտան յաւիտենական աթոռին. «խեղճ ժողովուրդ, քո հացն ալ

կտրեց անգութը: արդեօք Արարիչը միշտ անմխիթա՞ր պիտի թողնէ զքեզ...»

ՆԱՄԱԿ ԱԼԱՇԿԵՐՏԻՑ

Հրոսակային խմբի կոիւր.

Անցեալ տարուայ գարնան սկիզբներին աւազակապետ Յարութիւն աղան իր խմբով գտնուեալ էր Արաշ-կերտի շրջանակներում: Խմբին հասնում էին այդ միջոցին ամէն կողմից սրտաճմլիկ լուրեր: Բլուր գիւղում երկու հայ են սպանուել, Մանկասար գիւղի վրայ յարձակուել եւ քահանայի միրուքը փետել էին, գիւղացիներին բռնի բանեցնում էին զօրանոցի շինութեան վրայ բազմաթիւ ընտանիքներ թալանվում էին եւ հազար ու մէկ անգթութիւնների ենթարկվում. նոյն իսկ խրմբապետի տան վրայ յարձակուել եւ կնոջ թեւը կտորել էին: Վրէժխնդրութեան ոգով լցուած խումբը այդ բոլորի դէմ արիւնով բողոքելու համար սպասում էր յարմար առիթի, որը անակնկալ կերպով աւելի շուտ ներկայացաւ: Քրդերը, լսելով նրանց մտախնձեմ բազմութեամբ յարձակումն են գործում խմբի վերայ: Այդ լինում է սեպտեմբերի 14ին առաւօտեան պահուն:

Քրդերի բազմութիւնը ու նրանց կրած դէնքերի առաւելութիւնը չեն սարսեցնում խմբապետին: Նա կանոնաւորելով իր մարդկանց, պատրաստվում է դիմադրութեան: Շատ չանցած՝ սկսվում է սոսկալի ընդհարումը, որը միանգամայն արժանի է հերոսական կռուի փայլուն անուանը:

«Յ՛մ՛ահ, ց՛մ՛ահ»... աղաղակում է խմբապետը եւ տալիս կռուի նշանը: Խումբը ձայնակցում է նրան եւ օրինակելի անվեհերութեամբ դիմաւորում թշնամուն:

Կոիւր տեսում է երկար, մինչ երեկոյ: Թշնամու «հաւարին» հասնում են քրդերի ահագին խմբեր, 400-500 ձիաւոր եւ հետեւակ: Քիւրդ կանայք անգամ դուրս են գալիս տղամարդկանց փամփուշտներ հասցնելու եւ վիրաւորեալներին օգնելու համար: Քրդերը, աստիճանաբար ստուարանալով, պաշարում են հայերին եւ կրուիւր կենտրոնանում է մի տափարակ դաշտի վերայ:

Յարութիւն աղան, կամենալով փոխել խմբի դիրքը, առաջ է շարժվում, ձեղքում է քրդերի շղթան, եւ իր մարդկանցով մի կողմն է անցնում:

Սակայն այդ հերոսական թռիչքը անդո՛հ չէ անցնում... խմբապետը, կրճքին ծանր վէրք ստանալով, «ինձ մի նայէ՛ք, սիրելիք, մինչեւ մահ կռուեցէ՛ք», դողում եւ ընկնում է գետին...:

«Մինչեւ մահ» խօսքերը մի անգամ եւս դրօշմվելով խմբի սրտում, նորոգում է անզուսպ, անձուրաց կոիւրը, եւ միայն գիշերային խաւարն է՝ որ կարողանում

է վերջ դնել ընդհարումին եւ ցրուել մարտնչողներին: Ինչպէս պատմում են, քրդերը մէկին բռնում են ողջ եւ վրանը տանելով, հարց ու փորձից յետոյ դիտատում են:

Կռուի լուրը օրուայ ընթացքում տարածվում է ամբողջ շրջակայքը եւ հայերը պատրաստվում են եղել օգնութեան դալու: Այսպէս Մանկասար եւ Եօնջալու գիւղերից գիշերը հասնում են 50 զինուած երիտասարդներ, սակայն այդ միջոցին կռուի դաշտը արդէն դատարկ, ամէն բան վերջացած է լինում, այն դաշտը, որ մի քիչ առաջ հայ քաջերի արեամբը ներկվել էր. նորեկները վշտացան, բայց իրենց հետ տարան վրէժխնդրութեան եւ պարտաճանաչութեան անկորնչելի տպաւորութիւն:

Ն Ա Մ Ա Կ Կ Ա Ր Ի Ն Ի Ց

Սեպտեմբերի 24-ին Կարինից 4-5 ժամ հեռաւորութեան վերայ, աւազակների մի խումբ Շամիլ անուն մէկի առաջնորդութեամբ կտրում են Թորթում դաւառում Լիսկաւ եւ Նիխաղ (վերջինիս մէջ դայմազամ է նստում) գիւղերի ճանապարհը, կողոպտում են 25-ի չափ տաճիկ ճանապարհորդներ ու սայլորդներ եւ աւարի եւ տալիս սայլերի վրայ բարձած մանիֆակտուրայի, շաքարի, թէյի, բրինձի եւ այլ ընդեղէնների պաշարը, որոնք տանելիս են եղել սահմանազլխի զօրաց համար: Չնայելով, որ աւազակները սայլորդներից իմանում են, որ կէս ժամ հեռաւորութեան վերայ գտնուող Ա. գիւղում գիշերել են սայլերի հետ սահմանազլուխ գնացող 100 կանոնաւոր զինուոր. այնուամենայնիւ նոքա հանդարտութեամբ հաւաքելով իրանց աւարը եւ կայանաւորներից մէկ տաճիկ սպանելով (այն անձն է, որ իւր եղբոր եւ այլոց հետ մասնակցել էր անցեալ տարի անտառում երեք հայ երիտասարդաց կացիններով սպանման սարսափելի գործին) հանգիստ կերպով բարձրանում են լեռը եւ դիրք բռնում: Մինչ այս մինչ այն հնձուր երկու տաճիկ, հեռուից տեսնելով այս բոլորը, փախչում են Ա. գիւղը եւ այն տեղից Նիխաղ դայմազամին իմաց տալիս: Կէս ժամ չանցած գալիս հասնում են 30-40 ձիաւոր զրոսարդարներ (լեռների, դաշտերի եւ ճանապարհաց հսկող զինուոր) իրենց գլխաւոր յայտնի Մէմմէդ բէգի առաջնորդութեամբ. ապա գալիս են նաեւ Ա. գիւղում գտնուած 100 զինուորներն եւ գիւղացիների ահագին խմբեր: Կռուվարութեան զինուորները պաշարման դիրք բռնած առաջ են խաղում, բայց հանդիպում են աւազակների կատաղի ընդդիմադրութեան. այնպէս որ վերջիններս զինուած արագաձիգ հրացաններով զնդակի կարկուտ էին տեղացնում թշնամու գլխին:

Այսպէս 15 հոգուց բաղկացած մի խումբ 6 ժամ շարունակ 200 հոգու չափ բաղմութեան դիմադրելուց յետոյ յաջողում է ցրուել դրանց, վիրաւորելով մի քանին. իսկ իրանք մնում են բոլորովին անվնաս մի անդամ եւս ապացուցանելով, որ «Աստուած օգնում է համարձակներին»:

Այս անցքից 3 օր վերջ, երբ աւաղակները անհետացած էին համարվում, Նարմանի Իդ դիւզի եայլայի մէջ սպանված եւ թողնված 3 դիակ են պտնում. երկուսը ամսի 24-ին սպանված տաճկի հօր եւ եղբոր դիակներն էին, իսկ երրորդը մի տաճկի աղայի: Առաջինների մասին ասուեց, որ մասնակցած էին 3 հայ երիտասարդի սպանման դործին, իսկ վերջինը յայտնի է եղել իբրեւ մի դարչելի կեղեքիչ, որը մօտակայ հայ պիւղերի հողերը ապօրինաբար իրեն էր սեպհականացրել:

Երբ այս եղելութիւնների ազդեցութեան տակ դիւզացիք եւ կարաւանները դադրեցրել էին իրանց երթեւեկութիւնը, նոյն Շամիլի խումբը կտրում է Սիվրի կրճից դէպի Նիխալ եւ այն տեղից կարին տասնող թաղաւորական մեծ ճանապարհը: Երկու օր էլ այդ տեղ կողոպտելով անցուղարձ անողներին, խումբը տանում է 2 ձի, թողնելով 20-ի չափ կապուածներ, որոնց մէջ եւ 5 կին: Կանանց հետ աւաղակները սակայն վարուելիս են եղել սպնուաբար եւ յարգանքով:

Նոյն օրը կէսօրից յետոյ մի ճանապարհի վրայ աւաղակներին հանդիպում են Թորթումի կարաւաններից մի քանիսը. դոցանից աւաղակները վերցնում են ուտելեաց ամբողջ պաշարեղէնը, փոքր ինչ դրամ եւ 10 հատ ընտիր ձիանք: Զիատէբերից երկուսը փախչելով «հաւարի» են դնում մօտակայ դիւզերը: Փոքր ժամանակից յետոյ ամէն կողմերից հասնում են խումբ խումբ զինուած դիւզացիներ: Առաջ է դալիս 3 ժամ տեւող մի ընդհարում: Որումբը, առնելով ձիաները, անյայտանում է, թողնելով կապված ամբողջ կարաւանը:

Հետաքրքիր է, որ Նիխալի գայմազամը առաջին անյաջողութիւնից յետոյ՝ փոխանակ նոր միջոցներ ձեռք առնելու, մի կողմից սպասելիս է եղել՝ որ յանդուգն խումբը աւարով յագենայ եւ հեռանայ, իսկ միւս կողմից, վախենալով թէ մի դուցէ խումբը յարձակի իր նստած 100 զինուորով Նիխալ պիւղին վրայ. սորա համար Կարինից եւ այլ տեղերից եկած զինուորաներին պահում է իր մօտ, Նիխալը սահպանելու համար: Համարեա միեւնոյն պրակտիկային են հետեւում եւ գրօարդարների եւ դապտիանների խմբերը, որոնք 20-30 հոգով այս ու այն կողմն են շրջում: Հէնց որ լսվում է թէ մի տեղ աւաղակներ են յայտնվել, նոքա դուրս են դալիս, անցնում մի քանի օւտ ապահովում ևս աստիճանային, եւ ապա ընկնում են դիւզերը, աստիճանային բազմաթիւ սպանումներ, եւ ապա ընկնում են դիւզերը, աստիճանային բազմաթիւ սպանումներ:

Դիւզացիներից ստանալու եւ աղայական կեանք անցկացնելու համար: Յետոյ՝ երբ լսում են, որ աւաղակները հեռացել են եւ ճանապարհները բաց են, նոքա մի պտոյտ են դործում դիւզերը եւ վերադառնում գայմազամի կամ կուսակալի մօտ իրենց առասպելական աննման քաջութիւնների մասին զեկուցումներ ներկայացնելու եւ իշխանութեան շնորհակալութեանը արժանանալու համար: Հասկանալի է հետեւաբար՝ թէ ի՞նչպէս Շամիլի խումբը հէնց կառավարութեան քթի տակ, կէս ժամ հեռաւորութեան վերայ կարող էր մարդիկ սպանել, քարաւաններ կողոպտել, ամբողջ օրերով ճանապարհներ կտրել, վնասել ամենայն անց ու դարձի եւ սարսափ ձգել ժողովրդի վերայ՝ քաջութեամբ ցրուելով՝ թէեւ անհամեմատ աւելի շատ, բայց հոգով փչացած, անբարոյականացած հակառակորդներին:

Վերը բերված դէպքերի մասին ժողովրդի մէջ սկսվել է տարածվել զանազան տարօրինակ լուրեր. եթէ լսէք ամբոխին՝ աւաղակները բռնվածներից շատերին յայտնած են որ, «մենք ձեզ վնասելու միտք չ'ունինք. այլ մեր ցանկացած որսը հարստահարիչ կառավարութեան բարբարոս պաշտօնեաներն են եւայլն»:

Չ'մոռնամ ասել՝ որ այդ տարօրինակ աւաղակախումբը դեռ դեռեղում է այս ու այն կողմը. յամենայն դէպս՝ այդ աւաղակային խմբից հայերը վնաս չ'են կրում երբէք:

Ն Ա Մ Ա Կ Վ Ա Ն Ի Յ

Թրքական ճնշումը քանի քնում ծանրանում, անտանելի է դառնում Տաճկա-Հայաստանում:

Ծանր հարկերը ու բարբարոս բռնութիւնները արդէն վաղուց քամել, ուժասպառ են արել հայ ժողովուրդը: Առօրեայ կեանքում կանոնաւոր միմեանց յաջորդող սոսկալի դէպքերը օր աւուր շտապեցնում, մղում են ժողովրդին դէպի անսպասելիքներ, որի նշույնները վաղուց են նկատվում: Պիտի դարմանաք գուցէ եւ չը հաւատաք, եթէ ասեմ, որ բորբոքված անճարացած հայ ժողովուրդը քարով, փայտով, դերանդիով պէտք է դիմէ անսպասելիքների մեծ օրին, եթէ չ'ունենայ ձեռքին ազատարար հրացանը, փրկիչ ատրճանակը: Տենդային տապանապով տողորված յուսահատ առաջ է վաղում այսօր այդ իսկապէս ամէն կողմից իրաւունքների արժանի ժողովուրդը եւ դուցէ շատ մօտիկ ապագայում խաղաղ կեանք վայելողներու տեսնեք թէ՛ ինչպէս նա յանկարծ բռնկում եւ պայթում է...

Ահա մի քանի դէպքեր, որոնք լուսաբանում են մեր առօրեայ ծանր դրութիւնը:

Վասնի գիւղերից մէկում մի քանի հայ գիւղացի կարող մի ջիւղից կրամ թիւրք երբէք չ'է կարողացել

կողոպտել կամ վերաւորել նրա պատիւը: Կառավարութեան, քրդերի եւ թիւրքերի համար միանգամայն անտանելի է տեսնել մի անվախ, քաջ եւ ինքնուրույն հայ: Մի քուրդ, որը կառավարութիւնից խրախուսված վաղուց նրա ետեւից էր ընկել, մէկ գիշեր վառում է նրա դէզը: Վերջինս իր սովորութեան համեմատ շտապում է հետեւիլ թշնամուն, որը զինուած յարձակվում է հակառակորդի վրայ. գիւղացին ճարպիկութեամբ պաշտպանվում եւ ծանր վէրք է հասցնում քրդին: Միւս օրը այդ հային կապած տանում են Վան եւ բանտարկում: Անցնում է ուղիղ 5 օր: Ոստիկանութիւնը հինգերորդ օրը մի կապուկած, մի նահատակված գիակ է յանձնում հայերին, որ քրիստոնէական ծիսով թաղեն: Վանի հայերը սաստիկ վրդովվում եւ բժիշկ են պահանջում դիակը քննելու: Կառավարութեան հրաւիրած զինուորական բժիշկը յայտնում է, որ մահը սովորական է, այն ինչ քարերն անգամ աղաղակում էին, որ հանգուցեալը զոհ է եղել չարաչար տանջանքների: Ստոյգ յայտնի է նոյնպէս, որ անխիղճ ինկվիզիտորի դերը յաջողութեամբ կատարել է բանտապետ զարդեանը: Պաշատում եմ ձեզ, կարելի՞ է համբերութեամբ տանել այս սոսկալի կեանքը:

Կառավարութեան թելադրութեամբ սպանվում են մէկը միւսի ետեւից հայ գիւղերի այն ունեւեր եւ իշխանները, որոնք որեւէ կերպով պաշտպան են հանդիսանում ժողովրդի շահերին: Այսպէս Շատախի քաջ եւ յայտնի Մուխսի Սաքօն (մահտեսի Սահակ) սպանվեց աւազակ Շաքիրից եւ նրա եղբորից, որոնք թէեւ բանտումն են այժմ, բայց անկասկած շուտով կ'արձակվին. Կաճկանի ուսը օր ցերեկով շատերի ներկայութեամբ սպանվում է հրապարակի վրայ: Այս առթիւ 30-ի չափ գիւղացիք Վան էին եկել Ուալի փաշայից արդարադատութիւն խնդրելու: Բայց փշից ե՞րբ է խաղող քաղվել... Այնուհետ վերջերումս առաջ եկած ծանր հողային հարցը պատճառ եղաւ Մելիք Աբրահամի մահուան: Մելիք Աբրահամը մի բարձրահասակ եւ դեղեցիկ մարդ էր ու այդ արտաքին գեղեցկութեանը ներդաշնակում էին նրա ներքին ազնիւ յատկութիւնները: Հայի տունը թալանէին, ապրանքը յափշտակէին թէ աղջիկներ անպատուէին, միշտ Մելիքը պաշտպան կը հանդիսանար: Հէնց այդ պատճառով էլ նա մի կողմից շատ թշնամիներ էր վաստակել եւ մի քանի անգամ մից շատ թշնամիներ էր վաստակել եւ մի քանի անգամ բանտարկվել էր:

Մոկաց քիւրդ բէգերը ուզում էին խել Մոկսի հայոց վանքերի դարեւոր սեպհականութիւնը - հողերը: Աղթամարայ թրքամուլ, հարստահարող եւ մատնիչ Ռաջատուր կաթողիկոսը, 'ի հարկէ, չ'է միջամբաստմ Մոկսի իրաւունքները պաշտպանելու. եւ ահա

դարձեալ հանդէս է դալիս Աբրահամը եւ քրդերը վրէժխնդիր են լինում, ճանապարհին դաղաազոզի գընդակահարելով նրան: Եղած բողոքները մնացին անհետեւանք: Կարելի՞ է արդեօք չը վառվել արիւնայի վրէժխնդրութեամբ այսպիսի դէպքերի առաջ: Եւ ահա այդ արդար դպացունքը աճում, դարգանում է հայերի մէջ, արտայայտվում երբեմն սոսկալի կերպով: Յայտնի է առհասարակ՝ թէ ի՛նչ է Տաճկաստանում կառավարչական պաշտօնեան. ամենավերջին դարթիան իսկ մի անիրաւ բռնակալ է, որի կամայականութիւնը պատժվելու վախ չունի: Գրանցից մէկը մանաւանդ մեր կողմերում աչքի էր ընկնում իր անսահման լրբութեամբ. եւ ահա մի քանի երիտասարդներ անցեալներումը, յարմար տեղում պատահելով նրան, արդար վրէժխնդրութեամբ լեցված տեղն ու տեղը սպանում են: Եւ այդպիսի արիւնահեղ բողոքների օրինակները արդէն ամէնուրեք բազմանալու եւ տարածվելու վրայ են:

Այ՛ո, մեր դրութիւնը նախկինը չ'է. երիտասարդութեան եւ ժողովրդի տրամադրութիւնը ծայրահեղ սպառնալից է...

Ն Ա Մ Ա Կ Խ Ն Ո Ւ Ս Ի Ց

Կողմէս խօսիլ Ոնուսի ներկայ վիճակի մասին, բայց կը շուարիմ, չ'գիտեմ ո՞ր մէկը թուեմ այն ուճիւններէն, որ կը կատարվին մեր չորս կողմը, դաւառիս կառավարչներուն ջթին տակ:

Ոնուսի արեւելեան ծայրը գտնվող Կօպալ գիւղին մէջ Հասանանցի քիւրդ մը օրը-ցերեկով մտնելով գիւղացիի տուն մը, տան պառաւը հակառակելուն քիւրդը հրացանի կոթով վայր կը գլորէ անոր. մինչ երիտասարդ տղան կուզէ օգնութեան հասնել, քիւրդը գընդակահար կընէ, փշրելով անոր դանդը: Սպանեալ դիակը դայմագամին բերվեցաւ, բայց ու՞մ ինչ, հայ մը հաւ մը: Քիւրտերը Եփրատ գիւղէն մի հայ մեռցնելով եղները կը տանին: Արօս գիւղի մէջ ճշտութեամբ նոյնը կը կատարվի. Կառավարութենէն խրախուսեալ քրդեր ամէն օր այսպիսի անդթութիւններ կընեն անխմանալի չարչարանաց զոհ տալով հայերը: Քրդաց ամենօրեայ խօսքն էր թէ՛ «ձեր կեանքը կարճ է, առաջիկայ տարին ձեր վերջին օրերն են եւ այլն»: Արդարն այս տարի շատ անդթութիւններ կատարվեցան. սպանվեցան մարդիկ, յայտնապէս վառեցին հազարաւոր բարդեր, որաններ, խոտերու դէզեր, աններուն բռնի առեւանդեցին քանի՛ քանի՛ հայ կանայք, հարսք եւ օրիորդք... դրանցից ոմանք անգարձ մնացին, այլ իրենց հաւատն ու պատիւը պաշտպանելով արիւնաթաթախ և ուշաթափ մնացին լեռներու ու ձորերու մէջ մինչեւ ազդականաց գիրենք գտնելը: Այսպիսի զանազան պատճառներով յառ-

պաղեց դիւղերու երեսը ծախելը (տասնորդական տուրքը) եւ հասոյց ձմրան մօտ : — Գիւղացոց մեծ մասը կորսնցուցին իրենց բերքերը անձրեւի հեղեղներէն եւ այսօր ուտեստի կողմից մեծ տառապանաց մէջ են :

Մինչդեռ դիւղացիք խեղճ ու կրակ, թաց աչքով կը նայէին իրենց ջրաղող կալերուն՝ յանկարծ բարձրացաւ մի փոթորիկ : Քրդաց զօրքերը կազմակերպող Կրդ զօրաբաժնի հրամանատարը չըջակայ դաւառնեալէն եկաւ 'ի Խնուս : Տեսնելու էր այն տեսարան, որ նոր էր մեղի համար : Չանազան քիւրդ ցեղեր մարախի ու Բէլի անձոռնի խուժանի նման լեցվեցան 'ի Խնուս : Մի նոր Խորենացի պէտք էր Բիւրակն եւ Խամուր լեռներուն վերայ, որ ըստ արժանոյն ողբար հայոց աշխարհը...

Ն Ա Մ Ա Կ Տ Ր Ա Պ Ի Զ Ո Ն Ի Ց

Մեր դրութիւնը նկարագրելու համար՝ սկսենք քիչ հեռուից : Կարնոյ եւ Պօլսոյ դէպքերից յետոյ, երբ հայկական խնդիրը դառաւ առօրեայ հարց՝ կառավարութեան խստութիւնները սաստկացան եւ մեղ վրայ : Քաղաքական հարցերի առթիւ հալածանքներ ու աքսորները ստացան մշտական, քրօնիքական բնաւորութիւն : Փակվեցին տեղական կլուբները. վաճառական Ծ. բանտարկվեց խորքերը դէնք փոխադրելու պատճառաւ. լրտես Մամբրէ վարդապետի ցուցմունքով ձերբակալվեցաւ Աւստրիոյ հիւպատոսարանի թարգման եւ քաղաքումս յարգված Պետրոս Մարիմեանը իր եղբոր հետ. վերջինս սակայն շուտով ազատվեց, իսկ Պետրոսը աքսորվեց Աբիա : Սրտաճմլիկ էր այն տեսարանը, երբ քաղաքիցս Պօլիս ուղարկելիս՝ ժողովրդի ահազին բազմութիւն թափվել էր նաւահանդիսաւր յատկապէս իր «մնաս բարեաւը» ասելու ազնիւ յեղափոխականին. կարծես ժողովուրդը հանդիսաւոր կերպով երգվում էր անդադար կռուել այն դործի համար, որին զոհ էր դնում՝ իր սիրելի որդիներից մէկը... Այնուհետ՝ շատ չէր անցել, երբ տեղի ունեցան Ազգային դպրոցի մի ուսուցչի, առաջնորդարանի քարտուղարի, մի տիկնոջ եւ վերջը՝ նոյն դպրոցի տեսչի բանտարկութիւնները : Սորանից յետոյ հասկանալի է թէ՛ ինչ ուրախութեամբ էր նայում ժողովուրդը այն հրդեհի վրայ, որը լափեց ոստիկանատան եւ փոստայի մեծ շէնքերը. հասկանալի է նոյնպէս թէ՛ ինչպէս էր նա բացատրում այն ժամանակ կատարված փորձերը՝ թունաւորել ընդհանուր դատախազին եւ ուրիշներին : Յիշեալ բանտարկեալներին դատում էր նահանգական դատարանը. նիստի օրը սրահը լիքն էր հասարակութեամբ եւ տեղական պաշտօնեաներով : Ամբաստանեալները՝ օրէնքի 58-րդ յօդուածով, մեղադրվում էին նրանում, որ կազմել են պաղտնի ընկերութիւն տէրութիւնից մի մասը անջատելու եւ անկախ կառավարութիւն հաստատելու համար : Մեղադրեալները պնդում էին, որ դա-

տախաղի ասածները հիմնուած լինելով ուրիշի դրած մի նամակի եւ լրտեսի տուած տեղեկութիւնների վրայ՝ զուրկ են որեւէ օրինական արժանաւորութիւնից : Չորս ժամ խորհրդակցելուց յետոյ՝ յայտարարվեց. արդարացնել Տիկին Պայծառին, քարտուղար Ճանիկ Վարդանեանին եւ Յովսէփ Արղութեանին. իսկ քաղաքիցս անյայտացած ուսուցիչ Խուչակեանին եւ Տեսուչ Բարսեղ Չաւարեանին ենթարկել բերդարդելութեան, առաջինին 7 եւ վերջինին 4 տարով : Ուշադրութեան արժանի է, որ Չաւարեանի մեղադրական կէտերից մէկն էլ նրա բարձրագոյն ուսումն էր, — այդպիսիք աւելի վտանգաւոր են : Արղութեանը եւ Չաւարեանը Պօլսում բանտարկված Յակ. Վարդապտրիկեանի հետ իբրեւ ուսասհպատակներ՝ յանձնվեցին իրենց կառավարութեանը, որը աքսորել է Կովկասից Ռուսաստան, առաջինին՝ 6 ամսով, երկրորդին՝ 1 տարով եւ երրորդին՝ 3 տարով :

Խստութիւններ եւ հսկողութիւնը չը դադարեցին քաղաքում եւ այս դատից յետոյ. հեռադրատան ծառայող հայերը պաշտօնադուրկ եղան. միաձայն առաջնորդ ընտրուած սրբազան Սրուանձտեանը չէ՛ հաստատվում Դրան կողմից. մեր կողմերի մի քանի տեղերում Ռուսաստան գնալու անցագիր չ'են տալիս հայերին. Ալաշկերտից ոտքով եւ հսկողութեամբ բերվում են այստեղ Նազարէթ աղայի եւ Պ. Հայկունու ընտանիքները Անատոլիայի խորքերը աքսորելու համար եւ վերջապէս դեկ. 26-ին ձերբակալվում են կրկին 3 երիտասարդներ — Վարդան Թիրեաքեան, Միկտիչ Նատիկեան, եւ Միհրան Մարիմեան :

Ուղիղ է ասած, որ թշուառութիւնը մօտեցնում է մարդկանց : Յիշեալ դէպքերի առաջ լուսաւորչականութիւնը, կաթօլիկութիւնը եւ բողոքականութիւնը հեռու հեռէ կորցնում են իրենց անջատող ոյժը եւ բոլոր դաւանութիւնների հայերը այսօր միանում են իրար հետ ընդհանուրի շահերը պաշտպանելու համար. օրինակները քիչ չ'են, բայց թուելը հեռու կը տանէր մեզ : Դորա հետ միասին բռնութեանը ընդդիմադրելու դէպքերը օրէց օր շատանում են : Սիւրմէնէ դիւղաքաղաքի հայ ուսուցիչը իր վրայ յարձակող թիւրք աւազակներին ցրվում է, վիրաւորելով նրանց : Տեղացի մի քանի եռանդուն դիւղացիք ստիպում են իրենց «մարաբաներին» ձեռք վերցնել դրաւած հողից եւ բաւականաչափ պարտքերի կիսով միայն : Դեկտեմբերին Շաբին-Գարահիսարում յեղափոխականների ձեռքով սպանվեց լրտես Հաճի Կարապետ վարժապետը : Նոյն տեղը կատարվել են բազմաթիւ խուզարկութիւններ եւ բանտարկվել են մօտ 20 հոգի : վերջապէս ինքը կառավարութիւնը անուղղապէս պատուիրել է հարկահաններին ոչ մի կերպ չ'ենդել հայերին :

Այդպիսով մի կողմից ազգային շահերի և յեղափոխական կռւի դադափարը աւելի եւ աւելի է տարածվում

հայերի մէջ, իսկ միւս կողմից կառավարութիւնը, խտտացնելով իր հալածանքները՝ միաժամանակ հարկադրված է եւ կողմնակի զիջումներ անել հայերին:

ՆԵՐՔԻՆ ՏԵՍՈՒԹԻՒՆ

Տխուր եւ ծանր պարտականութիւն է ներքին տնտեսիւն կազմելը տաճկահայերի դատը պաշտպանող թերթի համար: Տաճկական բանտերի ինկվիզիցի՛ա, քրդական աւարառութիւններ՝, թագաւորական պատուով ընդունվող աւազակներ՝, խաչ բարձրացած հերոսներ՝, բռնի կրօնափոխութիւն, իրենց մայրերի արգանդում դերեզման դտած երեխաներ՝... պատմութեան խորդ դաւակ հայերի անվե՛րջ նահատակաբուրքութիւն...

Ո՞ր տեղից սկսենք. ինչո՞վ վերջացնենք: Կարդացէ՛ք մեր թերթի այս համարում տպուած լուրերը եւ թղթակցութիւնները, կարդացէ՛ք արտասահմանեան ուրիշ հրատարակութիւնները եւ կը տեսնէ՛ք, որ հազարաւոր աղետալի լուրերը կրկնվում են ամենաճշի՛շ միակերպութեամբ: Մեծն Հայաստանից սկսած մինչեւ Կիլիկիա, արեւելքից-արեւմուտք, հիւսիսից-հարաւ՝ նոյն ցաւերը, նոյն աղետները, նոյն դժոխքը: «Կ'սպանեն ջրգեր», «ջրգեր կ'սպանեն», «բռնի կը տաճկացնեն», «երկիւղէն կ'տաճկանան», «կ' վառեն դէզեր», «տաւարը կ' ջընն», «բռնի կ' բանեցնեն», «կ' ծեծեն ու կ' բռնաբարեն կանանց» — ահա ինչպիսի՛ արիւնով գրած նախադասութիւններն են անդադար հնչում տաճկահայերի վիճակով հետաքրքրվողների ահանջում: Հազարաւոր Հերոզիտներ, Ներոններ, Լանկ-Թամուրներ ստնակոխ են անում մեր Մայր-Հայաստանը, ցրուում, մաշում կոտորում են հայերին... Ձեռքից դնում է կորչում է Հայաստանը, կարելի է մտածել այդ սոսկալի երեւոյթների առաջ... Թշու՛ առ, տարաբ՛աղդ, անպաշտպան ժողովուրդ. ո՞վ է այն համարձակը, որ քեզ օգնելու համար պէտք է երկիւղ չ'ունենայ դժոխքը ոտք կոխելու. ու՛ր է այն հսկան, որը դարհուրելի ճնշման տակ, չը կորցնէր բարձրաճայն բողոքելու կարողութիւնը... Ո՞ւր են միւս հայերը. ի՞նչ են անում նոքա այս տազնապի այս ճգնաժամի միջոցին: Թողնելով ամբօրը՝ հարցնում ենք, ի՞նչ է անում մեր նիւթապէս աւելի ապահով եւ մտաւոր կեանքի ճաշակը առած հասարակութիւնը. ինչո՞վ են դբաղված մեր կեանքում որոշ դիրք եւ դեր ունեցող պաշտօնական մարմինները. ի՞նչ է ներկայացնում ընդհանրապէս նոյն իսկ մեր երիտասարդութիւնը...

Դարձեալ տխուր մտածմունքներ, կրկին սեւ դոյներ...

«Եթէ ես համոզված լինէի, որ Տաճկահայաստանը անպատճառ կ' ազատվի,» «եթէ մենք ունենայինք Գարիբալդիի նման մի մարդ,» «եթէ դործի գլուխ անցնէ-

ին փորձված ու դիրք ունեցող մարդիկ», «եթէ մի բան արդէն արուած լինէր եւ այլն եւ այլն՝ մենք չ'էինք խնայել ոչ մի տեսակ զոհարարութիւն» — լավում է ամէնայն օր մեր հասարակութեան մէջ հազար ու մի տեսակ վարիացիներով: Հաւատալ այդ խօսքերի անկեղծութեանը, բացատրել այդ անհեթեթութիւնները պատմական երեւոյթների վերայ դադափար չ'ունենալովը թէ այդպէս են խօսում մահաշունչ բերաններ, որոնց ժպիտներից անգամ օձեր կարելի է քաղել, բայց եւ այնպէս ներկայիս դրութիւնը հետեւեալն է. որովհետեւ պարոնները «համոզված չ'են», որովհետեւ «Գարիբալդի չ'ունինք», ինչպէս չ'ունէին եւ խտալացիք իրենց ազատութեան նոյնանման շրջանում. որովհետեւ «փորձված ու յայտնի մարդկանց» պահանջը այնքան առաձգական է, որ միշտ կարելի է չը բաւականանալ ձեր տուած անուններով. որովհետեւ վերջապէս դերի տաճկահայը առաջին ապստամբական քայլերը անպայման յաջողութեամբ «դեռ չ'է արել». ուստի մեր հասարակութիւնը հրաժարվում է որոշ ներդործական դիրք բռնելու իր ազգի եւ հայրենիքի վերաբերմամբ: Ակամայ մտաբերում ես անմահ բանաստեղծի խօսքերը. «Ա՛խ, ինչպ' էս կ'ուզէի... միայն այդ չը բաժանէր ինձ իմ կոպէկէն»: Ի՞նչ արած. երեւի մինչեւ Տաճկահայաստանը չ'ազատվի հայը մարդ չի դառնալ...

Միւս կողմից իրերի այս տխուր միջոցին ժողովրդի շահերը պաշտպանելու հրաւիրված Պօլսոյ պատրիարքարանը Աշդեանի՛ դիշատիչ էֆէնդիիների եւ սեւարին վաշխառուների այդ ներկայացուցիչ պատրիարքի բերանով կամենում է համոզել հայ ժողովրդին, որ նրա դժոխքը արքայութիւն է, նրա տատակոտ ուղին կանաչաբար մարդադետին: Մենք խօսում ենք, ի հարկէ, այն կոնդակի մասին, որը կարդացվեցաւ Տաճկահայաստանի բոլոր քաղաքների եկեղեցիներում: Այն ժամանակ, երբ մեր հայրենիքի ամէն մի անկիւն ներկվում է աշխատաւոր հայի անմեղ արիւնով. այն ժամանակ, երբ դէպի հայը կատարվող անգթութիւնները հասնում են իրենց դադաթնակէտին. վերջապէս այն ժամանակ, երբ օտարազգիք անգամ հայի այս չափ թշուառութիւնները ամօթարբեր են համարում մեր աղուութեան համար, այդ միջոցին հայ ժողովրդի կրօնական քաղաքական ներկայացուցիչը աղաղակում է. «զերծ մնացէ՛ք որոմներից, հեռու եղէ՛ք այն ամէնից, ինչ կարող է կասկածանքի ենթարկել հայ ազգի դարեւոր հպատակութեան դպստները...» Ի զուր չ'է կարծում մի հեղինակ, որ աշխարհիս ամենաուժեղ թոյնը մարդուս համար՝ իր սեպհականն է. այդպէս ահա Պատ. Աշդեանը իր ազգի ամէնադժբախտ շրջաններից մէկում դբաղուած է պատմութեան մէջ իր համար անէծքների էջեր հարատեացնելովը:

Գառնանք վերջապէս մեր ներխտասարդութեան: Մեր

սիրտը սեղմվում է հարցի քնքուժեան առաջ, բայց եւ անկարելի է բարձրաձայն չը խոստովանել, որ մեր երիտասարդութիւնը ընդհանրապէս, այսինքն մեծ մասամբ, ստոր յայտնվեցաւ այն խնդիրներէի առաջ, որոնց լուծմանը անհրաժեշտ էր հրաւիրում են ժամանակը եւ պատմութիւնը: Սարսափելի իրողութիւն, բայց ճիշտ իրողութիւն... Մի կողմ թողնելով այդ անարժան մեծամասնութիւնից նրանց՝ որոնց փայտեայ կուրծքը եւ փակ հոգին միշտ անշարժ կը մնան ազդային ու հասարակական պահանջներէի առաջ, դիմենք գործին այս կամ այն չափով անհրաժեշտ ցանկացողներին:

Որ՞քան ամօթաբեր հակումներ, որ՞քան հոգեկան չքաւորութիւն, որ՞քան այլանդակ տիպարներ... Ահա մէկը կամ նոյն իսկ մի ամբողջ խմբակ, որի համար հայկական շարժումը, լոկ անձնական դիրքի, անձնական գերիշխանութեան անտէր ասպարիղի հարց է. կուրուցիւնը այն տեղ է հասնում, որ ամէն քայլափոխում մոռացվում են թէ ամէնապարտաւորեցուցիչ մարդավայել սկզբունքները եւ թէ գործը, ամբողջ գործը: Ահա մի ուրիշը, որը, խառնելով յեղափոխական գործը պայերից ժառանգած թեթեւ ու անվտանգ ազգասիրութեան հետ, ընդունակութիւն չունի ոչ գործը հասկանալու եւ ոչ առաւել եւս նրա պահանջներին հետեւելու: Երրորդը, թողած իր անմիջական թշնամիներին, դառնալով է իր հետ տարակարծիք իր հայ եղբայրների հետ մահու կոխ վարելովը: Չորրորդը, որ երէկ խօսում, շարժվում, տաքանում, ուրիշներին մեղադրում էր անգործութեան կամ դանդաղութեան մէջ, այսօր, երբ յատնուեցաւ, որ յեղափոխական ուղին փափուկ կապերաներով չ'է փռուած. այսօր, երբ հասարակութեան ցնցված տրամադրութիւնը իջել է, — այդ չորրորդը, ասում ենք, այսօր ամէնալքաբար, կարծես յազեցած իր պատճառած վնասներովը, յետ է քաշուել, մոռացել է ամէն բան: Վերջապէս հինգերորդը յեղափոխական գործը բացարձակապէս իր համար շահախնդրութեան ու թեթեւ կեանք վարելու յարմար միջոց է համարում:

Այո, մեր երիտասարդութիւնը ունի մի որոշ մաս, որի շրջանում մի փնտռէք ոչ գործի համար անհրաժեշտ դիսցիպլինա, ո'չ հաւաքական մարդավայել գործնութեան զգացմունք, ո'չ միանգամից ընդունած յեղափոխական սկզբունքի բոլոր հետեւանքներից չըխուսափելու կարողութիւն, ո'չ պատշաճ շրջահայեցողութիւն, ո'չ տարրական աղնութիւն անգամ...

Անբաղդ հայրենիքի անարժան որդիք, անպաշտպան մօր սորձիկ զաւակներ...:

Իսկ թշնամի... Իսկ առանց այն էլ հօրաբազոյն մեր թշնամին ամբացնում է իր սահմանները, ամէն

կերպ սաստկացնում է ժողովրդի ճնշումը, հայի անվարձ աշխատանքով նորանոր զօրանոցներ է կառուցանում եւ քիւրդերից զօրք կաղմելով՝ երկրի պահպանութիւնը յանձնում է հայութեան այդ դարաւոր թըշնամիներին...

Սակայն այս ո՞ւր հասանք. շարունակ աննպաստ երեւոյթներ, շարունակ բացասական պայմաններ. միթէ այդքան տխուր է իրերի վիճակը, այդքան խաւար մեր ներկան. միթէ մեղ մնում է բացառանչել՝ «մեռ'իր, խեղճ հայրենիք, որդիքդ սիրտ չ'ունին»:

Իհարկէ, այն ժամանակ, երբ Հայաստանը հազարաւոր վերքերից արիւնաքամ է լինում, այնպիսի մի սուր ժամանակ, երբ պէտք է վճռուի հայութեան ապագան՝ յիշած երեւոյթները առանձնակի նշանակութիւն են ստանում, ճնշում են ամէն մի ճշմարիտ հայրենասիրի սիրտ առանձին ծանրութեամբ: Բայց բարեբախդաբար անդդայ բուրժուան, դաւաճան պատրիարքը, անարժան երիտասարդ չ'են, որ որոշում են իրերի դրութիւնը, լուսարանում են մեր ներկան. դժբա չ'են, որովհետեւ դժբա ազգ չ'են կազմում:

Բերած երեւոյթների հետ զուգընթացաբար այսօր մեր աչքի առաջ են նաեւ ուրիշ դոյն կրող, ուրիշ լեզուով խօսող ու աւելի զօրեղ պայմաններ: Կասկած չէ կարող լինել թէ որ կողմը յաթոյ կը հանդիսանայ: Նախ՝ ընդհանրապէս դատապարտելի մեր երիտասարդութիւնը այնուամենայնիւ իր միջոց դուրս բերեց մի փոքրամասնութիւն, որը դիմաւորեց իր ազգի մեծ դատին առանց տատանմունքների: Այդ մասն է, որ միախառնվելով ժողովրդային հոսանքին՝ յանձնել է իր կեանքը պատմական անխուսափելի ակիւններին. դա է, որով ապրում է յեղափոխական կազմակերպութիւնք. դա է, որ մի կողմից անընդհատ դիմադրում է հասարակութեան անտարբերութեանը եւ միւս կողմից գործի մէջ, ամբոխի հետ շփվելով, նորանոր կայծեր է նետում ժողովրդական կեանքի բորբոքված մթնոլորտի մէջ:

Բայց եւ այդ երիտասարդութիւնը չ'է, որ կաղմում է այսօր մեր ազատութեան զազափարի յե ն ա բ ա ն ը:

Այդպիսի յենարան կարող է լինել միայն ինքը տաճկահայը, տաճկահայ ամբոխը, որի կեանքը այսօր լի է նշանաւոր արտայայտութիւններով: Ահա ձեզ պատանի հասակում հայ օրիորդը, որը սպասում է հարագատ հօրը իր կուսական ձեռքով մեռցնել՝ թէ նա համարձակէր դաւաճանել հայրենիքի սուրբ կոտիւն: Ահա հայ գեղջկուհիներ, որոնք ցուրտ ձմրանը կըտուրի վերայ դիտում են շուրջը, որ ներսը անմշտանք կայանայ յեղափոխական երիտասարդների խորհուրդը: Ահա մի քանի հասակաւոր կանայք, որ պարապում են իրենց ամուսինների հետ միասին հրացանների փոխադրութեամբ ամէնապատանաւոր մի ճանապարհի վերայ:

Կարգացէ՛ք, այս համարի լուրեր ու թղթակցութիւնները: Արաչկերտում հայ հրոսակային խումբը հերոսական պատերազմ է մղում մի ամբողջ օրուայ ընթացքում հարիւրաւոր զինուած ջրգերի հետ, պատում է նոցա ահռելի շղթան ու դիտակցական նահատակների արիւնով ցողում է Հայաստանի հողը: Փ. գիւղը քրում է ամբողջ 200 հոգի զինուած ջրգեր: Կարինում Եամիլի խումբը իր համարձակ քայլերով արհամարում է թշնամու վտանգը: Վանում սպանվում է ատելի պաշտօնեան: Ենքին-Կարահիսարում մահով է վարձատրվում Հաջի Կարանկեան ուսուցիչը իր մատնութիւնների համար: Տրապիզոնի շրջակայքում գիւղացիք սպանուալիքներով ստիպում են վաչխառու է-Փէնդիներին զիջանել իրենց պարտքերի ամբողջ կէսը: Պատրիարքը պնդում է իր կոնդակում, որ բոլորովին ժամանակ չունի ներքին գործերով զբաղվելու — այնքան անհանգիստ է ժողովրդի քաղաքական տրամադրութիւնը: Քիւրդը, որի անունից մօտիկ անցեալում դող էր ընկնում հայի սիրտը՝ այժմ կանկածելով, որ այս կամ այն հայ գիւղում հրացաններ կարող են լինել՝ ծռում է ճանապարհը, հեռու է դնում. Կառավարութիւնը կարգադրութիւններ է անում երկրի խաղաղութիւնը պահպանելու համար հարկահանութեան ժամանակ հայերի հետ մեղմ լինել: Բանտարկւողների արտոյվողները թիւը օրից օր անելանում է. յիշենք հանճարաւոր մաղկանց կարծիքը. «բանտերը գաղափարի օրօրաններ են, իսկ նահատակները ազատութեան հրդեհի վառելիք»: Իսկ ընդհանրապէս տաճկահայերի դիտակցութեան մէջ վերջին տարիներում կատարված հսկայական փոփոխութիւնը, — այն փոփոխութիւնը դէպի քաղաքական մտքի հասնունութիւնը, որը 40-ական թուականներից մեր ամենանշանաւոր հայրենասէրների իդէալն էր կազմում. Արաչկերտից գրում են՝ «ժամանակները փոխվել են...» Վանից՝ «ժողովրդի տրամադրութիւնը սպանուալից է...» Նոյնն է Մշում, Կարինում, Պիթիսում: Յիշեցէք Դրօշակի նախընթաց համարի ներքին տեսութիւնը: Ահազին տարածութեան վրայ ամենայն տեղ սիրով ընդունել եւ անկնքել յեղափ. դործիչներին, ը ն կ ե ը ու թ ե ա ն ը միշտ օգնելու պատրաստականութիւն յայտնելը, յեղափ. խմբեր կազմելը եւ այլն այժմ ընդհանուր երեւոյթներ են տաճկահայերի կեանքում: Ամէն տեսակ զոհողութիւնների պատրաստականութիւնը աչքի է խփում հայ ժողովրդի, հայ ամբոխի մէջ եւ Տաճկահայաստանից դուրս, յաճախ շատ հեռու անգամ...

Իսկ եթէ այդպէս է՝ կարելի է արդեօք չափել միլիոնաւոր ժողովրդի կամքի ամէնակարող ոյժը. կարելի՞ է արդեօք չը նախագգալ ապագայի մեծ դէպքերը... Գիտ՞էք, ընթերցող, ինչպէս է նայում Հէյնէի հանճարը ամբոխի ու նրա ոյժի վերայ: Ամբոխը, ասում

է նա մօտաւորապէս, այն «մեծ յիմարն» է, որի վրա խը թակել, որի համբերութիւնը 'ի չար դործ դնել կարելի է, ինչքան եւ կամենաք. դա այն «մեծ դիտանի անմիտն» է, որին աներկիւղ կերպով կարող էք զրկել, արհամարել եւ հարստահարել, ինչքան հարկաւոր է ձեզ. նա մեծ մասամբ այդ ամէնի համար շնորհակալ էլ է լինում ձեզանից: Բայց Աստուած մի արասցէ, եթէ «մեծ յիմարը» հանաքի համար անգամ՝ սկսի բարկանալ. նրա բազուկը այնքան ուժեղ է, նրա մարմինը այնքան հսկայական, ձայնը՝ այնքան որոտալից, որ թեւի մի շարժումով, դիտի մի թափահարումից, ձայնի մի որոտումից գահեր են կործանվում, տէրութիւններ են խորտակվում, իշխողներ-դատաւորներ են տապալվում, երկրի բոլոր միւս ձայները լռվում են... Օ՛, շատ վրտանդաւոր, սարսափելի վտանգաւոր է այդ «մեծ յիմարը» իր «ցնցումները» ժամանակ...

Հայ ժողովուրդը, հայ ամբոխը, «հայ-մեծ յիմարը» դարերով տանջվել եւ լռել է, դարերով կեղեքվել եւ համբերել է. բայց... բայց այսօր նա ց ն ց վ ե լ ու վ ր ա յ է... Թո՛ղ դողան ուրեմն նրա թշնամիները, որոնց անկումը անխուսափելի է. թո՛ղ կասկածանքով թունաւորվին նրա արիւնը արբողները, որոնց օրերը հաշւած են: Անպարտելի փոթորիկի նման կ'անցնի հայ ժողովրդի գայրոյթը ահազին տարածութեան վրայ, կը փչրէ, կը խորտակէ այն ամէնը, ինչ խեղդում է նրա կեանքը ու տաճկա-քրդական բեժիմի փլատակների վերայ կը պարզէ իր աղատութեան յաղթական դրօշակը...

ԴԱՇՆԱԿՑՈՒԹՅԱՆ ԿԱՆՈՆԱԴՐՈՒԹԻՒՆԻՑ

Մահու պատիժը հայերի վերաբերմամբ ընդունվում է միմեայն անպայման ապացուցված դաւաճանութեան դէպքերում:

ՎԱՐՁԱԿԱՆ ԿԵՆՏՐՕՆ

Ներկայ համարից սկսվում է տպագրութիւնը այն նուիրատուութեանց, որոնց մասին խոստացվել է:
 1890 թ. Օգոստ.ի 1ից: Բ. Ն. Շ. Ի, — 5500 ր. Նոյ. 1ից Դմատ — 100 ր. Նն, 7 ր. Աա — 12 ր. Ծառ — 41 ր. Կայծիկ — 75 ր. Փունջ — 74 ր. ԱՖ — 27 ր. Բ — 4429 ր. 18 4. N 100 ր. X 200 ր. N 40 ր. Խ 41 ր. Տիկին 516 ր. Գի 6 ր. ***553 ր. Նբ 50 ր. Կայծիկ — 190 ր. Խմբ N 1-41 ր. Գի 130 ր. **460 ր. Փունջ 36 ր. Խմբ N 1-62 ր. N լիս 5 ր. 1891 թ. Յոնվ. 1-ից * — Իս 150 ր. Դար 300 ր. Իւ 68 ր. Ն-ի 450 ր. Կայծիկ 80 ր. Խ. դիւղ 80 ր. Վ. գիւղ 200 ր. Ա. դիւղ 84 ր. Աք — 136 ր.

(կը շարունակուի)

Դաշնակցութեան անձանօթներից խնդրվում է թղթ-թակցութեան եւ նուիրատուութեան համար դիմել:

Docteur Longo, 12 Rue de Puteaur, Paris.